

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primljeno: 13-10-2021			
Org. jed.	Broj	Priloga	Vrijednost
09.02	- 02 -	1381	/21.

Sabina Ćudić

Zastupnica u Zastupničkom domu
Parlamenta Federacije Bosne i Hercegovine

Vibor Handžić

Delegat u Domu naroda
Parlamenta Federacije Bosne i Hercegovine

PARLAMENT FEDERACIJE BOSNE I HERCEGOVINE

PREDSTAVNIČKI/ZASTUPNIČKI DOM

n/r g. Mirsad Zaimović, predsjedavajući

DOM NARODA

n/r g. Tomislav Martinović, predsjedatelj

Na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i člana 164. a u vezi sa članom 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20) radi razmatranja i usvajanja po skraćenom postupku, podnosimo **PRIJEDLOG ZAKONA O IZMJENAMA I DOPUNAMA ZAKONA O BIBLIOTEČKOJ DJELATNOSTI FBIH** („Službene novine Federacije BiH“, broj: 37/95).

ZASTUPNICA
Sabina Ćudić



DELEGAT
Vibor Handžić



Sabina Ćudić

Zastupnica u Predstavničkom domu Parlamenta Federacije BiH

Vibor Handžić

Delegat u Domu naroda Parlamenta Federacije Bosne i Hercegovine

PRIJEDLOG

**ZAKON
O IZMJENAMA I DOPUNAMA
ZAKONA O BIBLIOTEČKOJ DJELATNOSTI**

Sarajevo, septembar 2021. godine

Obrazloženje prijedloga da se Prijedlog zakona razmatra i donese po skraćenom postupku

Budući da se radi o Zakonu koji nije složen i obiman, predlažem da se Prijedlog Zakona razmatra i donese po skraćenom postupku u skladu sa članom 172. Poslovnika Predstavničkog doma Parlamenta Federacije Bosne i Hercegovine odnosno članom 164. Poslovnika o radu Doma naroda Parlamenta Federacije Bosne i Hercegovine.

ZAKON O IZMJENAMA I DOPUNAMA ZAKONA O BIBLIOTEČKOJ DJELATNOSTI

Član 1.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 2. mijenja se i glasi:

“Bibliotečka građa je svaki jezični, slikovni i zvučni dokument u analognom ili digitalnom obliku informacijskog, umjetničkog, obrazovnog, naučnog ili stručnog sadržaja, proizveden u više primjeraka i namijenjen javnosti, kao i rukopisi odnosno sva druga građa koju biblioteka posjeduje u vlastitom fondu te stavlja na raspolaganje korisnicima.”

Član 2.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 8. mijenja stav (1) se i glasi:

“Bibliotečka građa prikuplja se preuzimanjem obaveznog primjerka štampanog, analognog ili digitalnog materijala, kupovinom, razmjenom, poklonom i zavještanjem.”

Član 3.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 18. stav 1. mijenja se i glasi:

„Stručne poslove u bibliotečkoj djelatnosti obavljaju diplomirani bibliotekari sa položenim stručnim ispitom.“

Član 4.

U članu 18. Zakona o bibliotečkoj djelatnosti FBiH („Službeni novine Federacije BiH“, broj: 37/95) stav (2) mijenja se i glasi:

„Diplomirani bibliotekar koji prvi put zasniva radni odnos u biblioteci dužan je da nakon isteka najmanje jedne a najviše dvije godine obavljanja poslova bibliotečke djelatnosti položi stručni ispit za obavljanje bibliotečke djelatnosti.”

Član 5.

U članu 18. Zakona o bibliotečkoj djelatnosti FBiH („Službeni novine Federacije BiH“, broj: 37/95) stav (3) mijenja se i glasi:

“Licu iz stave (2) koje u utvrđenom roku ne položi stručni ispit, prestaje radni odnos u biblioteci.”

Član 6.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 43. mijenja se i glasi:

“Novčanom kaznom od 1.000 do 5.000 KM kaznit će se za prekršaj biblioteka, ako:

1. ne čuva bibliotečku građu u skladu sa tehničko-zaštitnim i drugim propisanim mjerama (član 10);
2. ne dostavi matičnoj biblioteci obavještenje i podatke potrebne za vršenje stručnog nadzora ili ne omogući ovlaštenom licu vršenje neposrednog nadzora (član 28. stav 2);
3. ne otkloni nedostatke utvđene u vršenju stručnog nadzora u roku utvrđenom rješenjem (član 29. stav 1).

Za prekršaj iz stava 1. ovog člana kaznit će se i odgovorno lice u biblioteci novčanom kaznom od 500 do 1.000 KM.”

Član 7.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 44. mijenja se i glasi:

“Novčanom kaznom od 1.000 do 3.000 KM kaznit će se za prekršaj javna biblioteka, ako:

1. ne dostavlja Biblioteci BiH podatke za centralni katalog inostranih publikacija a matičnoj biblioteci podatke za druge centralne kataloge bibliotečke građe (član 17. alineja 4);
2. odbije da učestvuje u međubibliotečkoj pozajmici (član 17. alineja 8);
3. otuđi obavezni primjerak štampane stvari, kao i primjerak iz zavičajne zbirke (član 25. stav 3).

Za prekršaj iz stava 1. ovog člana kaznit će se i odgovorno lice u javnoj biblioteci novčanom kaznom od 500 do 1.000 KM.”

Član 8.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 45. mijenja se i glasi:

„Novčanom kaznom od 2.000 do 3.000 KM kaznit će se za prekršaj pravno lice koje se bavi izdavačkom djelatnošću ili prodajom bibliotečke građe, ako postupi suprotno odredbama člana 13. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 KM. Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 KM.”

Član 9.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 46. mijenja se i glasi:

„Novčanom kaznom od 1.000 do 3.000 KM kaznit će se za prekršaj pravno lice koje se bavi izdavačkom djelatnošću ili štampanjem i umnožavanjem štampanog materijala, ako Biblioteci BiH besplatno i o svom trošku ne dostavi 10 primjeraka od svakog štampanog materijala (član 40. st. 1. i 2).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 KM. Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 KM.”

Član 10.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 47. mijenja se i glasi:

„Novčanom kaznom od 1.000 do 3.000 KM kaznit će se za prekršaj izdavač zvaničnih publikacija ako za potrebe međunarodne razmjene zvaničnih publikacija Biblioteci BiH besplatno i o svom trošku ne dostavi 15 primjeraka svakog štampanog materijala koji ima karakter zvanične publikacije (član 41).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 KM.”

Član 11.

U Zakonu o bibliotečkoj djelatnosti FBiH („Službeni novine Federacije BiH“, broj: 37/95) član 48. se briše.

Svaki naredni član dobija prethodni redni broj.

Član 12.

Ovaj zakon stupa na snagu osmog dana od dana objavljivanja u Službenim novinama Federacije BiH.

I. – USTAVNI OSNOV

Ustavni osnov za donošenje ovog zakona sadržan je u odredbama člana IV.A.5.20.d Ustava Federacije Bosne i Hercegovine.

II. – RAZLOZI ZA DONOŠENJE ZAKONA

Postojeće zakonsko rješenje staro je 26 godina i diskriminira bibliotekare i bibliotekarke, jer prilikom konkurisanja za posao statusno su izjednačeni sa licima koja uopće nemaju završen fakultet u toj oblasti.

Članovi koji definišu bibliotekarsku građu, obavezne primjerke i kaznene odredbe jasno je da aktuelni tekst zakona pripada nekom prošlom vremenu, pa je njegovo zadržavanje krajnje neophodno.

III. – OBRAZLOŽENJE PREDLOŽENIH MJERA

Članom 1. definiše se pojam bibliotečke građe;

Članom 2. dodatno se definišu oblici u kojem obavezni primjerci mogu biti prikupljeni;

Članom 3. definiše se potrebna naobrazba za obavljanje stručnih poslova u bibliotečkoj djelatnosti;

Članom 4. definiše se obaveza bibliotekara za dodatnu stručnu naobrazbu;

Članom 5. definiše se sankcija za neispunjavanje obaveze dodatne stručne naobrazbe za bibliotekare;

Članovima 6 do 10. mijenja se valuta u kojoj se plaćaju kazne;

Članom 11. briše se član 48. teksta aktuelnog zakona;

Članom 12. preciziran je datum stupanja na snagu zakona.

IV. – POTREBNA FINANSIJSKA SREDSTVA ZA PROVOĐENJE ZAKONA

Za potrebe implementacija izmjena i dopuna ovog zakona nisu neophodna dodatna finansijska sredstva.

Odredbe zakona koje se mijenjaju, dopunjavaju ili brišu:

Član 2.

Bibliotečka građa u smislu člana 1. ovog Zakona obuhvaća: knjige, brošure, časopise, novine, separate, disertacije, kataloge, prospekte, plakate, štampane letke, kartografske publikacije, standarde, patente, muzička djela, reprodukcije likovnih djela, razglednice, kalendare, fotografije, mikrofilmove, dijamikrokartice, gramofonske ploče, tonske kasete, videokasete, magnetofonske i magnetne trake, diskove, rukopise i drugu građu namijenjenu bibliotečkoj djelatnosti.

Član 8.

Bibliotečka građa prikuplja se preuzimanjem obaveznog primjerka štampanog materijala, kupovinom, razmjenom, poklonom i zavještanjem.

Pod obaveznom primjerkom štampanog materijala iz stava 1. ovog člana podrazumijeva se štampani materijal iz člana 42. ovog Zakona.

Ugovor o kupovini, razmjeni i poklonu bibliotečke građe sastavlja se u pismenom obliku.

Član 18.

Stručne poslove bibliotečke djelatnosti obavljaju lica sa odgovarajućom stručnom spremom, položenim stručnim ispitom i stručnim zvanjem.

Lice koje prvi put zasniva radni odnos u biblioteci dužno je da nakon isteka najmanje jedne a najviše dvije godine obavljanja poslova bibliotečke djelatnosti položi stručni ispit za obavljanje bibliotečke djelatnosti.

Licu koje u utvrđenom roku ne položi stručni ispit, prestaje radni odnos u biblioteci ako ne prihvati raspored na drugo radno mjesto koje odgovara njegovim stručnim sposobnostima ili ako u biblioteci nema takvog radnog mjesta.

Program polaganja stručnog ispita, način polaganja i izdavanja uvjerenja o položenom stručnom ispitu, kao i uvjeti i način stjecanja stručnih zvanja u bibliotečkoj djelatnosti, utvrđuju se bližim propisom koji donosi ministar, na prijedlog Biblioteke BiH.

Član 43.

Novčanom kaznom od 1.000 do 5.000 DEM kaznit će se za prekršaj biblioteka, ako:

1. ne čuva bibliotečku građu u skladu sa tehničko-zaštitnim i drugim propisanim mjerama (član 10);

2. ne dostavi matičnoj biblioteci obavještenje i podatke potrebne za vršenje stručnog nadzora ili ne omogućiti ovlaštenom licu vršenje neposrednog nadzora (član 28. stav 2);

3. ne otkloni nedostatke utvđene u vršenju stručnog nadzora u roku utvrđenom rješenjem (član 29. stav 1).

Za prekršaj iz stava 1. ovog člana kaznit će se i odgovorno lice u biblioteci novčanom kaznom od 500 do 1.000 DEM.

Član 44.

Novčanom kaznom od 1.000 do 3.000 DEM kaznit će se za prekršaj javna biblioteka, ako:

1. ne dostavlja Biblioteci BiH podatke za centralni katalog inostranih publikacija a matičnoj biblioteci podatke za druge centralne kataloge bibliotečke građe (član 17. alineja 4);
2. odbije da učestvuje u međubibliotečkoj pozajmici (član 17. alineja 8);
3. outdi obavezni primjerak štampane stvari, kao i primjerak iz zavičajne zbirke (član 25. stav 3).

Za prekršaj iz stava 1. ovog člana kaznit će se i odgovorno lice u javnoj biblioteci novčanom kaznom od 500 do 1.000 DEM.

Član 45.

Novčanom kaznom od 2.000 do 3.000 DEM kaznit će se za prekršaj pravno lice koje se bavi izdavačkom djelatnošću ili prodajom bibliotečke građe, ako postupi suprotno odredbama člana 13. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 DEM.

Član 46.

Novčanom kaznom od 1.000 do 3.000 DEM kaznit će se za prekršaj pravno lice koje se bavi izdavačkom djelatnošću ili štampanjem i umnožavanjem štampanog materijala, ako Biblioteci BiH besplatno i o svom trošku ne dostavi 10 primjeraka od svakog štampanog materijala (član 40. st. 1. i 2).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 DEM.

Član 47.

Novčanom kaznom od 1.000 do 3.000 DEM kaznit će se za prekršaj izdavač zvaničnih publikacija ako za potrebe međunarodne razmjene zvaničnih publikacija Biblioteci BiH besplatno i o svom trošku ne dostavi 15 primjeraka svakog štampanog materijala koji ima karakter zvanične publikacije (član 41).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Član 48.

Novčane kazne iz čl. 43. do 47. ovog zakona obračunavaju se u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine na dan uplate.